

Neteyîse



Ehmed Şêran

Dê neteyîs
Her wekî ava li ser rêka dibîte
hizir û derew
Ma kengî bû....?
Ew ronahiya li ser cada û rêkan
tîrêj vedan...!
Her wekî kanîka ava zelal
Li nîv rêkê derkevît...!
Bibe rastî û aşkera bibe

Ma ew kî bû digot Mem û Zîn
derewan dikin...?
Ew çi destan bû Xec û Siyamend
lê hatine veşartin.
Her wek dîdevanek ji
giyaneweran bû gotinek
bêbawerî
Belê raste ne wesaye

Ew îlameka pêxemberî bû
agehdar bû di nav xelkê de
Bû bawerî ji dilkî rast

Her wekî Firawin û Haman di
avê de xendiqîn
Piştî hingê berçav bûn da bibîte
rastî...!
Dê neteyîs
Û bibe rastî

Ew dîkela serê wê, li esmana li
bin wê, rastiye
Agir û sotandin ne derewa
bêbawerî
Da bibîte rastî...
Ew gelavêja payîzê ya bi xeme
Çunkî dizanît payîz dê belga
werînit da bibîta rastî..
Barkirina balinda û teyran ji
warê xweştiviyan.
Dê neteyîs û bibe rastî

Her wekî derya hilmê dide li
esmana dibîte ewir da bibîte
rastî û bibarê baran,
da bibîte befir û gijlok,
li ser çiya û deşta eve raste, ne
derewe
dê neteyîs û bibe rastî.